

欽定剿平粵匪方略

欽定勦平粵匪方略卷一百五十七 丙辰年

六月十六日

辛丑

兩江總督怡良署江蘇巡撫趙

德轍奏言據向榮咨稱該逆於六月初二初三兩日自句容白兔竄至丹陽之五里鋪地方分股撲營均經兵勇迎擊努力包抄大獲全勝追殺二十餘里斬擒盈千並將甫紮逆巢概行焚燬實足大振軍威至溧陽及東壩地方已由向

榮飭令江長貴明安泰各帶兵勇分駐防堵計
先後調赴溧陽兵勇共六千餘名軍容甚壯臣
又因溧陽下游之宜興荆溪地方無兵駐守於
附近各營內湊撥三百名赴該二縣屯紮歸明
安泰管帶調度現據道員毓彬由溧陽宜荆來
常面稱各處兵勇防堵嚴密鄉團亦極整齊足
扼內犯江蘇候補知府留署句容縣事趙廷銘

在任四年督率鄉團隨同大兵攻勦屢得戰功
民情愛戴現在該縣城被賊占踞例有應得之

答應請

旨將趙廷銘卽行革職仍暫留署任責令帶罪圖功署
溧水縣知縣周硯銘失守城池咎有應得應請
旨將該署縣周硯銘革職暫行留任責令帶罪自效

怡良趙德轍又奏言宜興荆溪地方突有匪船

前來滋擾經知縣王際相許美身會營帶兵調
集民團前往查拏該匪竄入濱塘各軍追擊至
後袁村監生芮禮等率眾直前迎捕殺賊多名
匪船復竄義豐地方該處民團會合出擊將匪
船四隻全行燒燬生員儲炳煥等乘勢追勦共
殺賊二百餘名奪獲槍礮器械多件臣等仍訪
該官紳等嚴密防範毋稍疏虞奏入

上命軍機大臣傳諭怡良趙德轍曰逆匪由白兔至五里鋪分股撲營我軍大獲全勝焚燬新紮逆巢賊雖未敢再犯丹陽而通達蘇常之路甚多溧陽東壩等處雖經向榮派江長貴明安泰就近堵截未知有無把握向榮軍威稍振自應乘勝追勦步步前進俾逆賊有所忌憚方可捍衛蘇常但應防隘口甚多兵力益形單薄怡良近駐常州調度較易著會同趙德轍

加意籌防此時惟有實行團練以民助兵以勦爲防
內圍旣固而後可戰可守該逆自不敢內犯此次宜
興荆溪練丁殲除外來船匪足見辦團禦侮著有明
效此外各縣均須一律辦理以濟兵力之不及怡良
等務當認真督勸勿稍鬆懈

上諭內閣曰江蘇候補知府留署句容縣事趙廷銘在
任四年尙能督率鄉團隨同大兵勦賊立功惟此次

縣城被賊占踞咎有應得趙廷銘著卽革職仍留署
任帶罪自效溧水縣城失守署知縣周硯銘著革職
暫行留任帶罪自效宜興荆溪民團奮勇擊賊保衛
地方忠義可嘉著該督撫仍飭該官紳等嚴密防範
協同官兵堵剿兼施

同日

上命軍機大臣傳諭英桂曰昨因向榮軍營需兵甚急

諭令英桂將西安馬隊官兵酌量分撥並另抽步兵
一二千名均由揚州取道前赴丹陽所調官兵必須
鎮將大員統帶方能得力因思徐州鎮總兵傅振邦
曾在向榮軍營尙屬出力現在安徽捻匪漸就肅清
著英桂傳知傅振邦令其馳定向榮軍營隨同勦賊
英桂所派前赴丹陽官兵著卽交傅振邦統帶前往
務須揀選精兵俾資得力其徐州鎮總兵著派史榮

辦
椿署理所有該處防勦事宜卽責成該總兵認真督

十九日甲辰向榮奏言查逆匪自白兔鎮敗退後

六月初一日復糾衆七八千人分股來撲總兵
虎嵩林等督隊迎勦擊斃多名初二日早賊至
丹陽五里鋪一帶屯踞分五路蠶擁而來勢甚
猖獗千總程翔蛟整隊迎擊適臣派守備李日

昇帶隊由中路馳至大呼直前賊之馬隊卽時
驚走忽後隊突出賊目數人揮衆抵拒把總馮
觀勝督同勇目李善華驟馬直衝均被槍傷甚
重我軍齊出該逆捽死不退維時李鴻勳虎坤
元等亦分左右兩路衝殺槍礮齊施逆衆紛紛
倒地張國樑見中路賊勢較衆卽調後隊分兩
路抄出兜擊自領一軍直衝賊隊連砍悍賊多

名逆勢不支卽時奔潰左右兩路之賊見中路
敗走亦卽紛級潰散臣福興指揮馬步分投掩
殺斃賊無算其有撲溝跳塘者均被我軍戮斃
追殺十餘里直至全州鋪賊壘始各收隊統計
是日之戰斃賊四百餘名斬取長髮首級五十
餘顆查該逆經此一挫兇燄稍息惟續來賊黨
甚多在丹陽西南鄉全州鋪丁莊鋪松柏村一

帶連立多壘並探鎮逆於初四夜分黨二三千人由七里店楂樹岡薛村已到丹陽之白兔鎮地方聯絡築壘且白兔離寶堰較近該處有小河一道內通常州臣復派令總兵虎嵩林統帶兵勇馳赴距寶堰三十里之珥陵鎮地方紮營防賊內犯常州之路又探得溧水之賊糾合小丹陽當塗逆匪數千由毛公鋪太村分竄東壩

之定準有三路撲犯東壩之謠該處爲蘇浙門戶僅有副將秦如虎一軍爲數不及二千情形喫緊已由明安泰就近撥兵會剿臣復派令江長貴由金壇統帶兵勇一千四百名兼程趕往會同秦如虎攔頭截擊一面飛咨鄧紹良就近策應至前蒙

飭調福建漳泉兵勇三千名復經臣等奏調廣東官兵

四千名前來會勦茲接何桂清函稱閩省官兵
因行裝銀兩未就一時未能起程聞之實深焦
灼現在江南賊勢猖獗攻勦萬緊懇

恩飭催閩粵官兵迅速起程前來以期重振軍威痛加
掃蕩奏入

上命軍機大臣傳諭向榮福興余萬清曰此次逆賊糾
衆來撲雖經擊退而全州鋪及白兔鎮等處均有賊

壘分布卽就丹陽一路而論已屬防不勝防況此外
內通蘇常之路不止一處卽如溧水一股由毛公鋪
竄至定埠已在東壩東南昨據何桂清奏報又有建
平北門外二十里已有賊蹤之語向榮此次摺內尙
稱派江長貴會同秦如虎攔截東壩之賊不知秦如
虎同浙江委員仲孫懋已離東壩前往建平可見專
駐丹陽於各路聲息轉形稽滯必須進扼金陵重整

舊時壁壘方能統馭兼籌此時若暫住東路原爲休
養銳氣仍圖進取惟僅能專顧一隅而於各路布置
未能周密恐中該逆聲東擊西之計總以四路控馭
絕其內犯爲最要關鍵俟軍威稍振仍當進逼金陵
不可被賊牽掣致成鞭長莫及之勢所請閩廣各兵
已疊降諭旨飭催而調到需時尙久本日復諭和春
福濟再行撥兵一千六百名連前撥馬步四百餘名

湊足二千之數前赴丹陽較之閩廣更爲近便火輪
船入江一節前令向榮等酌調助勦卽著咨商怡良
趙德轍何桂清催趲入江並將應備口糧子藥寬爲
籌備與紅單船一併接濟其前此諭令添購輪船亦
著會商各該督撫迅速籌辦至總辦糧臺彭玉雯聞
其年力已邁難保無疏於照料之處著向榮查明該
員是否精力不繼其平日支應一切有無浮濫如果

不能得力卽將該員撤回另行委員接辦儘尙無貽
誤亦著據實覆奏

上又命軍機大臣傳諭和春福濟曰向榮大營失利退
守丹陽而句容縣城復陷溧水等處賊匪蔓及定埠
窺伺建平內犯之路甚多賊衆兵單難資堵禦蘇杭
各屬爲東南財賦之區大局攸關該提督等近在鄰
封豈可擁兵膜視前此皖省情形緊急均由向榮軍

營抽調兵將前來救援今向榮因兵單不振而遽拜
擁兵雖衆日久無功和春等於請餉則極言兵勇之
多至撥兵則又言兵勇之少卽如徽甯等屬均福濟
所轄地方業已委諸江浙卽池州等屬民皆從賊近
日江面水師攻克銅陵拏獲賊船糧石皆係僞脅民
間供億此外州縣村莊類此者諒尙不少亦不聞該
撫設計搜勦實堪痛恨該處兵勇除撥赴懷遠宿州

等處外尙屬不少著和春福濟剋期卽挑選精銳馬步官兵一千六百名連前次派出之四百名共湊足二千名派委得力員弁統帶卽日前赴丹陽交向榮大營調遣不得心存畛域仍以無兵可調爲辭遲延貽誤

向榮又奏言據副將李德麟稟報五月初九日賊在銅陵大通以上徧收米糧封擄民船百餘

隻卽欲裝送金陵並有小礮船十餘隻護解當
派把總劉裕安等帶領兵勇百餘名坐駕長龍
爬艇數隻並派鹽知事胡恩植等管帶豫勇快
蟹三船新募水勇划船十隻連夜盪槳而上次
晨行至土橋江面遙見賊船蔽江而下我師退
伏於鯉魚套蘆葦叢密處見賊前船將近一齊
擁出開礮轟勦該逆亦放槍礮環拒我師分船

包抄賊船驚遁其時後幫賊船見前船有失均
卽回竄又經水勇划船飛棹攔截其前快蟹各
船追剿於後礮火交施該逆紛紛投水餘船亡
命奔竄正在跟追忽見銅陵城內之賊前來接
應我師轉棹轟擊該逆抵拒移時勢漸不支兵
勇乘勝登陸抄襲賊匪大潰不敢回城斯時城
內餘賊亦開東門逃竄我師不便窮追旋卽收

隊入城安撫百姓並將賊館一切全行焚燬惜
兵勇無多未能守城祇得回船東下查水師各
船孤泊上游該士卒猶能疊挫兇鋒斷賊接濟
實屬奮勇可嘉謹將尤爲出力員弁兵勇存記
彙獎一面飛咨鄧紹良將浙省籌備軍餉子藥
就近設法護解赴船接濟並因江面攻剿喫緊
所有上海甯波紳商所購火輪二船現值海運

事竣可以借撥入江助勦兼運送上游紅單子
藥於攻勦更有裨益臣現已咨商蘇浙督撫臣
覈飭遵辦奏入

上諭內閣曰此次水師各船停泊上游尚能疊挫兇鋒
斷賊接濟頗資得力所有在事出力員弁兵勇著向
榮擇尤保奏候朕施恩

同日胡林翼奏言武昌援賊在豹子澗等處築

壘掘濠臣抽調三千人及其未定迎擊之五月
十二日遇賊於茶棚李續勳以東路之賊行陣
不整因匹馬衝鋒衆勇隨之殪其前鋒悍賊數
十名賊衆駭愕乘勢掩殺東路之賊遂敗同知
唐訓方等力攻中路中路之賊敗歸西路唐協
和等力禦西路之賊酣戰最久唐訓方等從旁
抄之西路之賊亦遂大敗追奔二十里至二虎

井收隊回營計共殺賊五百八十餘名生擒二十餘人奪獲旗幟槍礮多件十三日偵賊將遁追至八角嶺賊復遁豹子澗又追敗之遙見賊數千人從梁子湖濱縱火焚燒民房以數千賊伏於麥門橋房屋及林木深處湖邊列賊划數十隻蔞蓋澧由驛路渡麥門橋先以火箭噴筒延燒林木及村外積薪伏賊冒火衝出我軍以

劈山礮轟斃悍賊數名賊遂敗潰而湖濱之賊
悉衆來援唐訓方擊之斃賊十餘名水賊又飛
槳來救李續賓火器突起焚賊舟六隻水陸之
賊均潰我軍尾追三十餘里至新店賊忽反旗
相向各營奮擊立斃先鋒賊目數十名賊又敗
走我軍沿途勦殺行抵葛店賊奪路奔竄自相
踐踏死傷甚多計共斃賊數百名臣於附省要

隘均掘長濠防其竄逸二十二至二十九等日
城賊疊次出撲均經我軍擊敗殲斃甚多二十
九日獲賊間諜知逆賊古澗釐敗匿武昌縣之
樊口依戰艦爲壘賊目僞指揮鄭添得等復領
賊七八千人進踞葛店地方臣選派精銳三千
餘人以同知蔣益澧統之令署武昌縣知縣林
之華率武勇爲鄉導初二日將及葛店蔣益澧

令參將朱品隆等繞出葛店街市後而自領一軍循江岸橫衝賊壘賊見我軍無多分路迎拒哨官劉勝祥等首先攻撲賊壘賊以大礮連環拒敵官兵伏地避之三伏三起槍入賊壘賊卽奔竄唐協和率勇邀擊共殺四百餘名蔣益澧獨以湘左營首先撲入左路賊壘殺賊四百餘名其時朱品隆等已繞至賊後焚燒街外賊巢

楊載福親率水師登岸以截奔竄之路賊衆四
路狂奔各營夾擊共殲二千數百人其分哨以
燒內湖賊舟者亦奪得賊船九隻各營乘夜窮
追及於華容初四日及於樊口樊口東岸卽武
昌縣城外西山雷山蟠互險峻賊扼要守險築
壘設關賊船憑依陸壘得以出沒江湖又於城
外築壘互相犄角夾護賊舟初四日陸勇追賊

至此紮營西岸得勝洲楊載福率水師登岸與
蔣益澧等會商夾擊是日陸路各營分五路齊
進直逼賊壘轟擊賊匪落水死者數十人蔣益
澧遂傳令鳧水先渡奪獲賊船者重賞千總鄧
有才首先鳧水奪得三板船一隻守備陳仁蘭
躍登賊舟中礮墜水陣亡哨官王桐柏復登楊
德武繼之於是各營馮河鼓勇陸師攻其後水

師攻其前內港之賊棄船先潰焚船踏壘殺斃溺斃者約二千餘人西山雷山賊旗四布與踞城之賊互爲聲援尙未敢馳下交戰而先渡樊口各陸勇已與水師登岸攻縣城北門小北門各營官帶領壯勇驀越山嶺賊衆驚潰乘勢掩殺遂分攻縣城西門小西門署知縣林之華亦率武勇繞攻東門先後入城追奔逐北城郭一

空其得出小南門逃竄者不過餘賊數百人我軍追至南岡七里界而還所有出力員弁勇丁可否准予擇尤先行獎勵伏候

聖裁其前後力戰陣亡員弁並請

飭部分別議卹以慰忠魂奏入

上諭內閣曰此次水陸各軍往來分合奮力環攻甚爲得手著胡林翼迅飭諸軍乘此聲威進圖克復省城

出力員弁兵勇准其擇尤先請鼓勵力戰陣亡之守
備陳仁蘭著從優照都司例議卹千總曹起龍著照
守備例議卹把總胡立發陳日勝黃雲浦均著照千
總例議卹外委魏學法張光連尹見興丁仙源崔得
勝歐洪培楊玉春李大成均著照把總例議卹

同日湖廣道監察御史何桂芬奏言臣訪聞各
處糧臺員弁鑽刺夤緣踞爲利窟已革藩司雷

以誠之糧臺有吳雲雷鳳翥翁壽慶黃斌及其
壻黃鍾等綽號五虎從中漁利各處立卡收捐
吳雲以泰州人徐震甲爲牙爪現在蘇州城內
開設布莊黃斌黃鍾在揚州方家巷置買潘莊
田產毫無忌憚人所共知請

旨嚴查以儆官邪奏入

上命軍機大臣傳諭德興阿翁同書曰軍營委員藐法

營私科斂肥己大干法紀著德興阿等就近查訪揚
州有無黃斌等所置田產其吳雲在蘇州開設布莊
並著移咨趙德轍一併查辦

二十一日丙午戶部尙書翁心存奏言向榮退守

丹陽溧水句容相繼失守蘇常兩郡危在旦夕
近聞賊撲丹陽向榮迎勦獲勝宜興荆溪忽有
外來匪船經民團捕斬焚燬臣竊慮之夫聲東

擊西賊之故智賊船若至宜興則已越東壩而南欲取間道直窺蘇州路徑旣捷本可不由丹陽特分股以綴我耳自宜興奪舟東犯由河路則九十里徑抵無錫由太湖聯檣東下則徑襲蘇城風帆瞬息可達民團旣力難捍禦丹陽常州之兵又隔在西北不及救援故東壩爲第一重藩籬宜興爲第二重門戶蘇郡一經蹂躪則

諸郡必被騷擾臣以爲宜

飭令向榮嚴扼丹陽防賊陸路來犯亟抽各路精兵俾
鄧紹良張國樑輩統之駐紮宜興控扼東壩並
收集長蕩滬湖東西汎諸船毋爲賊用別簡水
師一軍選得力總兵大員帥之駐紮太湖並召
募湖中大小漁船俾水鄉大戶分領協防庶蘇
常兩郡可保無事奏入

上命軍機大臣傳諭向榮福興余萬清怡良趙德轍曰
據翁心存奏賊越東壩而南恐由間道內竄則丹陽
常州之兵隔在西北不及救援於籌防形勢不爲無
見惟鄧紹良現在總統甯國諸軍張國樑又須往來
策應均不能令其專駐下游一隅之地宜與一路旣
距無錫較近自不可不嚴爲之防昨據怡良奏派兵
三百名赴該處駐紮是否足資堵禦東壩一路自泰

如虎折回建平後江長貴是否已由金壇前往明安
秦現在溧陽所統兵勇約有五六千人能否責令兼
顧東壩著向榮等妥籌辦理荆溪宜興民團焚船殺
賊頗能得力亦著怡良等加意激勵令其自衛萬不
可稍形懈弛致有意外之虞向榮前奏驅逐寶堰一
帶船隻係防賊內犯常州其由太湖入蘇之路該尙
書所指長蕩滬湖東西沅等處亦應一體收集船隻

毋爲賊用太湖協水師副將周希濂現在上游督帶
艇船其本缺係何員署理自應責令嚴密稽查以資
防範

同日和春福濟奏言接奉

諭旨令臣等派兵攻賊所必救以分賊勢查廬州兵勇
除分撥外實存者三河僅四千餘名廬城僅一
千餘名吉順帶兵駐紮下關既可前攻巢縣亦

可後顧柘皋然所紮之地皆在巢湖北岸其南岸則徧地賊氛兵力實有所不及故領餉每苦兵多而出隊又苦兵少原擬將勦捻兵勇分撥數路一路攻廬江一路攻桐城廬江得手則無巢可以徧攻桐城得手則安慶可以進擣無如潁霍一帶尙未蕩平秦定三以千人之軍駐紮軍鋪堵且不足勦更難施此勦辦棘手之實在

情形也此時裕溪運漕之賊在焦湖搜搶魚船
製造快槳自應迅圖焚燬惟巢縣爲賊占踞該
逆造船又在巢縣之南我軍難以著手臣等已
咨吉順密行設法並札無爲巢縣各官紳團練
一體遵照多派勇役改裝前往如有可乘之機
卽行縱火焚燬該逆意在駛入廬境已飭各營
多備火攻器具以待賊來儻江南軍情稍定紅

單各船能上扼裕溪水陸夾攻最爲要策已咨
詢向榮隨時酌辦至徐宗幹旣承

恩派令來廬俟到營後謹當酌量委辦事件奏八

上命軍機大臣傳諭和春福濟曰廬營兵勇分駐軍鋪
等處並未實力進攻和春等所稱廬江桐城無爲巢
縣安慶擬以次攻擣等語雖似極力籌畫仍屬毫無
把握此時巢縣賊船足爲長江之患吉順駐兵該處

已閱年餘並未實力搜勦既據和春等奏稱現籌設
法焚燬著卽飭吉順迅速設法辦理毋再延玩

和春福濟又奏言逆匪久踞三河疊經痛勦六
月初三日無爲援賊竄至運漕初五日向白石
山一路前來麟瑞帶領馬隊迎頭衝殺常清等
由左右圍抄臣和春帶領官兵趕到先將執旗
賊目砍倒賊衆駭退諸軍追殺十餘里逆屍盈

野大挫賊援其三河街外賊營突出接應經圖
桑阿等扼住要路截殺多名旋即敗入是日兵
斃賊四五百名生擒十餘名初八日臣和春督
兵潛進直偏外濠該逆驚覺抵拒我軍槍至南
街施放噴筒火箭登時火起南街一帶房屋俱
成灰燼逆衆輜重火藥焚燒頗多因街口兩營
水道環繞未能即時攻破奏入報

聞

二十二日

丁未

葉名琛柏貴奏言據署南雄州孫

福謙稟稱粵省派出兵勇攻勦江西南康股匪

疊獲勝仗嗣聞贛州被圍情形緊要未便因南

康尙未得手稍爲延緩當飭孫福同督帶各勇

卽於初十日取道信豐趕往會勦臣等查潮州

鎮壽山所帶兵勇疊經催赴贛州現又飛飭孫

福謙催令孫福同督帶各勇不分兩夜馳往贛州會合壽山實力攻勦

葉名琛柏貴又奏言臣等接奉

諭旨令於水師內揀選得力鎮將二三員飭赴會國落軍營調遣遵將各營鎮將逐加遴選查有南澳鎮總兵謝焜久任水師諸稱諳練署督標水師營參將梁顯揚曾在東莞勦匪亦能出力均經

札調來省現在江西南贛一帶土匪四起必須
兵力厚集方能剋期蕩平前雖派有總兵壽山
從九品孫福同分路馳往江西兵力仍恐不足
當卽調中東兩路水師各營備弁兵勇共七百
餘名配齊軍火器械於五月二十二日飭謝焜
等統帶先赴江西會剿南贛匪徒掃數殲除俟
前途疏通卽行查探曾國藩行營現任何處前

往隨同剿賊至洋礮一項已遵購六百尊先後
委解會國藩行營投收復准來咨尙需洋礮二
百尊現已購配齊足所有礮架應用等項一併
製就卽飭謝焜等督同解往以資應用奏入均
報

聞

二十七日
子壬廉兆綸奏言都昌逆賊勾結彭湖

土匪屢謀內犯幸賴曾國藩派赴饒防之都司
畢金科帶勇千人於五月十五日在陶溪渡地
方大獲勝仗饒境賴以安謐臣以該逆退而未
散當咨曾國藩文俊務卽添兵助剿據咨派勝
軍勇五百名飭令參將阿達春統帶馳往詎五
月杪逆匪糾黨來撲先經畢金科出隊獲勝因
頓勇爭拾逆匪遺棄財物致被抄襲失利適值

阿達春趕至四十里街截留潰勇與畢金科全
軍回至饒郡北門外駐紮賊勢甚屬猖獗饒防
極形喫重至廣信一郡與饒州水陸交通要隘
林立新舊練勇僅有二千餘人實覺不敷調撥
刻下撫建未克饒防又危惟恃省路一綫可通
尙堪呼救然道途繚遠况值大兵經營撫建復
須嚴防省會兼顧饒州豈有餘兵再援廣信臣

所奏請福建援兵三千均往攻勦建昌並未經由廣信近復馳赴江南大營其督辦三衢廣饒軍務之侍郎萬青藜據咨已折回浙省是閩浙二省援兵已成罷論其餘各路援兵如崑壽曾國華劉長佑王鑫諸軍未起程者是否起程已入境者現抵何處探無確耗其如何速籌援解出自

聖主鴻慈奏入

上命軍機大臣傳諭曾國藩文俊廉兆綸曰廉兆綸奏
饒州自畢金科一軍接仗失利賊勢猖獗防兵喫重
廣信水陸可通饒州而練勇僅二千餘人不敷分撥
勢極孤危等語覽所奏情形自係萬分緊急業經諭
令王懿德呂佺孫何桂清於附近廣饒等處酌撥官
兵助剿惟賊踞徽甯浙江湖州一帶防堵正形喫緊

閩省前調兵勇三千令改赴江南尙未過浙恐軍裝器械急切不能完備今調赴廣饒之兵亦恐一時未能卽到現在廣饒二郡尙爲該省完善之區斷不可再有失事著曾國藩文俊通籌大局設法分兵兼顧饒州卽以保全廣信毋令與省城聲息不通致成孤危之勢其援兵未到以前著廉兆綸督同地方官實力團練以固藩籬

上又命軍機大臣傳諭王懿德呂佺孫何桂清曰本日據廉兆綸奏江西饒州自都司畢金科屢戰失利防堵甚爲喫緊廣信與饒州水陸交通僅有練勇二千餘人不敷調撥扼守恐該逆乘間竄撲卽與省城聲息不通大局甚屬可虞江西情形現僅廣信一府尙稱完善饒州旣形緊迫該處勢處孤危不得不急籌接應前調福建兵三千名已令改赴江南著王懿德

等於鄰近廣饒各營汛內籌撥兵二千名派員管帶
迅速取道前往饒州廣信一帶擇要援應至浙江現
在辦理甯國防勦兵力自屬難分惟廣信爲浙省藩
籬亦應兼籌策應何桂清前派往衢州防勦兵勇除
調回外尙存若干若能派往廣信卽可以勦爲防如
兵數已屬無多卽於金衢嚴各屬內酌量抽撥官兵
一千名前赴廣饒一帶藉資堵勦

二十八日癸丑和春福濟奏言三河踞匪日來防

備愈嚴我軍不及五千兵力甚單勦辦難期得
手臣等飭令參將程智泉等就地募勇千餘於
西南紮營三座臣等帶領官兵嚴陣以待一面
督夫挖築營壘該逆突出二三千人來撲兵勇
攔頭迎殺轉戰逾時斃賊無算並砍執旗賊目
二名餘黨驚潰回巢十五日賊又出千餘人來

聞

撲卽飭官兵痛加擊勦當斃賊百餘名生擒十
餘名十七十九二十二十一等日該逆連次出
撲均經我軍擊退現仍趕緊設法攻勦迅圖克
復奏入報

二十九日

甲寅

會國藩文俊廉兆綸奏言據閩督

咨稱閩省兵勇陸續馳抵建昌已有二千餘名

刻下勦辦正在得手斷難驟撤藩籬現擬奏明先撥兵勇一千五百名交陳上國統帶由建昌馳赴江南其餘兵勇一千六百名仍由張從龍統帶規復建昌俟閩省另調兵勇一千四百名由林潤禧祿等管帶抵建後再令張從龍帶兵續赴江南臣等正在移咨覈辦據報參將阿達春都司畢金科兩軍與耆齡兵勇於六月初五

日接仗失控饒郡卽於是日失守查該郡與省城撫州廣信處處毗連省城爲根本重地自各郡淪陷所有文報往來餉儲轉運專恃廣信一綫可通逆賊竄踞饒州意在救援撫建若由安仁餘干橫來竄撲則信郡道絕省城四路不通撫建之圍亦恐不攻自潰現雖飭調郭守謙等同軍以固廣信門戶第所帶僅及千人合之本

郡新募各勇亦僅二千有奇而信屬之上饒貴溪弋陽玉山興安等縣均與饒屬接壤歧途百出在在堪虞加以防守郡城益覺不敷分撥若閩兵一去饒賊窺我虛弱勢將悉銳來攻撫建之匪亦將乘隙潰圍萃於廣信匪特江省無完土卽浙杭亦爲震動因思陳上國一軍若由建昌調齊閩兵馳赴江南已恐緩不濟急而江省

軍情緊迫何敢稍事拘泥懇

恩將此軍全數留江卽令馳赴廣信會防要隘相機規
復饒州俟饒撫克復信郡撤防卽令前赴江南
所有張從龍之兵一千六百名應照來咨仍令
專攻建昌以防逆匪竄撲至閩省續派琳潤等
兵勇千四百名應請飛催由閩馳赴向榮大營
以資調遣奏入

上命軍機大臣傳諭曾國藩文俊廉兆綸曰饒郡與省
城撫州廣信壤地毗連現旣爲賊竄踞當防其四出
滋擾儻由安仁餘干橫撲則省城道路梗塞文報餉
運無路可通卽撫建兩路進攻亦恐未能得手著准
其將張從龍所帶兵勇一千六百名專攻建昌陳上
國所帶兵一千五百名馳往廣信會合本郡練勇分
防要隘仍卽相機規復饒州以遏賊勢該侍郎等亦

當統籌全局設法兼顧一面趕緊攻克撫建一面酌撥兵勇與閩兵會合務將饒郡及早克復庶不受逆賊牽掣之患現在金陵勦匪正當喫緊其由閩省續派琳潤等所帶兵勇一千四百名如過江西境內卽飭迅赴金陵大營至昨諭福建添調兵二千名原爲援應廣饒之用今廣信旣截留兵一千五百名所有續調福建兵二千名已諭知王懿德等飭令馳赴向

榮軍營江西毋得再行截留致滋貽誤

上又命軍機大臣傳諭王懿德呂佺孫曰據曾國藩等奏饒郡失守所有福建派往江南之張從龍所帶官兵一千六百名擬專留建昌陳上國所帶官兵一千五百名擬飭赴廣信已如所請准其分撥助剿廣信現既留兵一千五百名則昨諭續調之閩兵二千名自可毋庸再赴江西向榮扼守丹陽東壩等處賊衆

兵單亟須添助著王懿德等卽飭將琳潤禧祿所帶官兵一千四百名飛催速往江南並將續調之官兵二千名迅速揀選精銳派委得力將弁一併馳赴向榮軍營以資調遣

同日何桂清奏言 臣接奉

諭旨飭調護送海運之火輪船入江助勦查江浙兩省商捐輪船現在護運事竣均在南洋巡緝除滬

商之船應聽蘇省籌辦其甯商之船向係該商自行管理今奉調從征應由臣派員督帶一面飭令由圖山關飛駛入江聽候向榮調度至護運輪船祇有二隻必得於上海添購方能聯幫攻剿候補道繆梓前經奏明委署金衢嚴道兼督辦三衢防務甯紹台道楊裕深亦經奏明留省辦籌防助餉兩局事務俱難另易生手惟留

浙道員金安清前在上海軍營情形熟悉堪以
委令前往妥爲購募此外尙有試用知府何紹
祺甯波紳士編修張定學候選道楊坊杭州紳
士編修陳元鼎均在上海諳悉商情堪以委令
襄辦第添雇船隻需費不貲現在江浙兩省餉
銀萬分支絀驟增鉅款非破除成格竭力變通
斷難設措金安清才足有爲臣已咨請兩江督

臣江蘇撫臣一體遴委幹員飭令前赴上海會同籌商多方設法奏入

上命軍機大臣傳諭怡良趙德轍曰據何桂清奏遵調甯商護運之火輪船業經由浙派員管帶由圖山關飛駛入江聽候向榮調遣其需添購之輪船亦已委令金安清等前往上海妥爲購募並籌款辦理所有滬商護運之火輪船著怡良等迅速派員督帶入江

統歸向榮調度至添購一節自不可少而需費較鉅
必當設法辦理著怡良趙德轍遴委幹員飭令前赴
上海會同金安清等迅速籌商務令經費有著得以
剋日奏功

何桂清又奏言六月初五日甯國踞賊於小東
門西門兩路出巢衝撲鄧紹良督參將蕭知音
等分投迎敵以大礮轟斃領陣悍賊數十名賊

勢潰亂我軍兩路夾擊殲斃逆匪無數該逆復
糾集水陽南陵等處黨援數千於初八日從東
西北三門分撲營盤我軍擊斃黃衣騎馬賊目
二名轟斃匪黨三百餘名賊衆奔潰其東北一
帶股匪直撲把總冉正祥營盤都司周萬遠等
從旁抄襲我軍復四面兜圍縱橫肆擊立斃黃
衣騎馬賊目一名斬獲無算我軍微有傷亡六

月初二日溧水之賊由毛公鋪竄入定埠分股直犯建平初三日賊竄分龍廟署知縣張炳文嬰城固守秦如虎當於城內紮營防勦初四日有薙髮悍賊扮作官軍溷入城中仲孫懋窺破奸謀卽時擒斬二十餘人其大股之賊已由分龍廟而來攻我東西北三門秦如虎派令遊擊蔣錫光等分出各門迎勦仲孫懋奮勇直前槍

斃其騎馬賊目賊衆大潰我軍追殺二十餘里
適有高滄防所守備葉棟國等管帶兵勇前赴
建平中途會合助勦斃賊四百餘名賊匪退回
定埠初五日該逆前來攻城經我軍擊敗初七
日該逆擁衆萬餘直撲東夏營盤曾承禧裕英
兩軍潰回廣德秦如虎督兵往接仲孫懋一軍
奮勇當先槍斃悍賊數十名賊衆潰退各軍乘

勝追殺斃匪數百名維時該逆已占東夏營盤
我軍於酉刻收隊兵勇亦有傷亡仲孫懋中火
器傷送回廣德醫治初九日該逆自東夏前來
攻城秦如虎督胡鳳鳴等擊之千總秦坤首先
衝入槍斃賊目梁姓於馬下而秦坤亦被矛傷
各路官兵相繼而進斃賊四百餘名賊眾大潰
我軍追殺十餘里該逆於夜間遁往東壩查建

平大股悍賊雖已退回東壩而東夏尙有餘匪
並聞該逆前赴溧水糾集黨援仍圖衝竄向榮
現飭江長貴從金壇前來助勦而紅林橋爲甯
國建平之鎖鑰兩營餉道攸關其廣德四安一
帶爲浙省屏藩又係甯國建平後路均須節節
嚴防鄧紹良親至廣德與臬司慶廉將各路守
禦事宜面商布置並令江長貴會同秦如虎統

兵迎勦一面咨請總兵明安泰駐兵南渡鎮聯
絡策應如能攻復東壩卽分兵駐紮定埠而以
廣德兵勇協助建平庶於皖浙兩路邊防可期
鞏固

何桂清又奏言據探饒州賊援屬至情形甚爲
緊急南陵青陽之賊於六月初八日竄至涇縣
經該縣崔琳等會同官紳擊退而南陵青陽賊

蹤來往不定防不勝防祁門大洪嶺外有池州
賊目石國忠擁衆萬餘圖犯徽州署知縣林用
光會同武員駐紮東鄉迎勦張芾添兵策應並
於甯國周天受軍營飭調守備余永椿令其帶
同所部之兵三百餘名赴徽堵勦臣旣顧浙西
又顧浙東實有應接不暇之勢惟有飭令杭嘉
湖金衢嚴各路在防文武隨時確探軍情嚴密

防守奏入

上命軍機大臣傳諭何桂清曰饒州失守之事何桂清此時自己知悉所有前撥金衢嚴兵一千名當已如數派往廣信毗連浙省值此賊勢鷓張情形危迫所有派出官兵著何桂清飭令迅速前進交廉兆綸調遣遠防不如近勦但能廣信無虞卽浙東亦可安堵該撫定能通籌大局悉心辦理此外應如何嚴密防

堵並著嚴飭在防文武實心籌辦至涇縣祁門等處
時有賊匪窺伺著何桂清傳諭張芾相機堵剿毋得
再有疏虞

上諭內閣曰官軍勦辦甯國建平賊匪疊次獲勝尙稱
得手同知銜仲孫懋以文員督隊能槍斃賊首復受
火器傷實屬奮勇著以知府卽補先換頂戴千總秦
坤槍斃賊目梁姓身被重傷亦屬奮勇著賞加五品

頂戴花翎

同日英桂奏言向榮軍營需兵甚急自應迅籌撥兵前往助剿查前奉

諭旨撥往江南之陝西綠營官兵一千名黑龍江餘丁五百名業經先行起程前進茲復酌量抽撥西安馬隊一千名遵令傅振邦督帶馳赴向榮大營並飭該鎮於原帶官兵內如可抽撥酌量帶

往覈計臣營所餘步隊客兵爲數無多勢難遽
行抽調統俟勦匪情形稍鬆再行撥赴丹陽軍
營助勦奏入報